

476/21-419

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA**

Služba za boračko-invalidsku i socijalnu zaštitu, stambene poslove i društvene djelatnosti

Broj: 01-45-7727/21
Zenica, 12.05.2021. godine

STRUČNA SLUŽBA GRADSKOG VIJEĆA

PREDMET: Stav Službe,

Izveštaj o radu JU „Predškolski odgoj i obrazovanje“ za 2020. godinu,
- dostavlja se

Nadležnost za praćenje i nadzor nad radom JU Predškolski odgoj i obrazovanje Zenica u ime osnivača, Grada Zenica, a shodno ovlaštenjima i u skladu sa pozitivnim zakonskim propisima i dokumentima strateškog razvoja lokalne zajednice, Zakonu o ustanovama i odredbama sadržanim u Statutu Grada i Odluke o zadržavanju prava osnivača, ima Služba za boračko-invalidsku i socijalnu zaštitu, stambene poslove i društvene djelatnosti. Služba je razmotrila Izveštaj o radu JU Predškolski odgoj i obrazovanje Zenica za 2020. godinu, uključujući i Izveštaj o finansijskom poslovanju, Izveštaj o radu direktora i Upravnog odbora Ustanove u 2020. godini, te Izveštaju nezavisnog revizora za 2020. godinu. Nakon sveobuhvatnog sagledavanja navedenih materijala, Služba konstatuje:

- JU Predškolski odgoj i obrazovanje vrši javnu funkciju od posebnog društvenog značaja a bavi se odgojem, obrazovanjem, njegom i zaštitom djece od šest mjeseci do polaska u osnovnu školu, i smatra se početnim stepenom jedinstvenog sistema odgoja i obrazovanja koji se ostvaruje kroz programe sa utvrđenom zajedničkom jezgrom na području ZDK, a regulisan je Zakonom o predškolskom odgoju i obrazovanju.
- Ukupan broj zaposlenih u Ustanovi u 2020. godini: 79.
- Kada se tiče poslovanja, Ustanova je u 2020. godinu poslovala negativno, sa iskazanim viškom rashoda nad prihodima u iznosu od **74.081,00 KM**.
- Saradnja Službe sa menadžmentom ustanove je korektna u smislu pristupačnosti, međusobne komunikacije, zajedničkih projekata te realizacije osnivačkih obaveza, a isto se može reći i kada je u pitanju saradnja sa Upravnim odborom.
- Odlukom br. 06-0602-337/1-2021 od 22.04.2021. godine Upravni odbor JU Predškolski odgoj i obrazovanje ocijenio je rad direktora sa „Naročito se ističe“ unatoč negativnom poslovanju koje je posljedica dvomjesečne zabrane rade, manjeg broja upisane djece, sve kao posljedica pandemije COVID-19.

- Upravni odbor je na sjednici od 22.04.2021. godine usvojio Izvještaj o radu za 2020. godinu i Finansijski izvještaj za 2020. godinu bez primjedbi.

-Rješenjem o ocjeni rada za školsku 2018/2019. godinu, Direktor je ocjenjen ocjenom „naročito se ističe“, od strane nadležnog Ministarstva i Pedagoškog zavoda Zenica. (broj: 10-1-38-08097-6/19 od 15.09.2020 za školsku 2019/2020. godinu).

Kad je u pitanju djelatnost, treba istaknuti sljedeće:

- Prosječan broj djece upisane u Ustanovi u 2020. godini: 365.

Naredbom Kriznog štaba Ministarstva zdravstva ZDK br. 11.-33-1335-24/20 od 13.03.2020. godine obustavljen je rad JU Predškolski odgoj i obrazovanje Zenica 16.03.2021. godine. Ova situacija potrajala je naredna dva mjeseca što je imalo negativan uticaj na rad Ustanove.

- Djelatnost Ustanove finansira Grad kao osnivač, a ostali izvori finansiranja su: uplate korisnika usluga i davanje, privremeno, pod zakup prostora koji nisu u primarnoj funkciji.

- Uvidom sanitarne inspekcije, konstatovano je da je nivo higijene u svim objektima bio zadovoljavajući. Redovno, jednom mjesečno, nadležna zdravstvena služba obavlja mikrobiološku analizu i kontrolu namirnica i spravljenih obroka.

- Svi zaposleni su obavezni obaviti redovne godišnje sanitarne ljebarske preglede. Svakog mjeseca vrši se bakteriološko-hemijska analiza hrane a nalaz zadovoljava zahtjeve Pravilnika. Osim toga, svi roditelji djece koja se upišu u obdaništa obavezni su donijeti ljebarsko uvjerenje da su djeca zdrava i sposobna za boravak u kolektivu.

- Neposredno prije obustave rada u vrtiću „Pčelica“ i „Sead Škrge“ nabavljen je namještaj za dvije prostorije i šporeti za kuhinje.

Za vrijeme obustave rada promijenjena je kompletna vanjska stolarija u vrtićima „Sead Škrge“ i „Poletarac“, a parcijalno u Vrtiću „Lipa“. U Vrtiću „Sead Škrge“ okrečene su prostorije i postavljen je sistem zaštite-alarm. U Vrtiću „Radost“ su urađeni keramičarsko-vodovodni radovi u kuhinjama i trpezarijama, postavljena su nova vrata sa videofonima, okrečene su prostorije. U Vrtiću „Dunja“ postavljena su vrata sa videofonima na spratu. U Vrtiću „Pinokio“ okrečene su prostorije i hodnici, postavljena su vrata sa videofonima na spratu. Za šest vrtića nabavljeni su ormari i ležaljke sa madracima za djecu, didaktičke vitrine, pregradni ormarići i ormarići za presvlačenje beba.

U Ustanovi je u periodu mart-maj 2020. godine trebao biti realizovan **Program obaveznog predškolskog odgoja i obrazovanja** (180 sati) za djecu u godini pred polazak u osnovnu školu. Ustanova je u saradnji sa Ministarstvom obrazovanja ZDK u **29 grupa**, pri vrtićima, centralnim i područnim osnovnim školama, **obuhvatila 365 djece**. Realizacija ovog programa obustavljena je 06.04.2020. godine po dobivenoj Obavijesti broj: 10-34-594-4-2-01/20 od Ministarstva obrazovanja, nauke, kulture i sporta ZDK radi preventivnog djelovanja, suzbijanja i širenja koronavirusa (COVID-19).

Dana 19.02.2018. godine Porezna uprava Federacije BiH izdala je Rješenje o dodatno utvrđenim obavezama broj: 13-4-02-15-11-782/17. **Ukupan iznos dodatno utvrđenih obaveza za uplatu po rješenju iznosi 119.928 KM.** Na pomenuto rješenje Ustanova je uložila žalbu zbog netačno i nepotpuno utvrđenog činjeničnog stanja i nepravilne primjene materijalnog prava. Poreska uprava još uvijek nije odgovorila na žalbu. Iznos zateznih kamata od perioda rješenja može značajno opteretiti Ustanovu. Ustanova za navedeno nema obezbjeđen izvor finansiranja. Obaveza nije rezervisana. Na osnovu navedenog mišljenje revizora o finansijskom poslovanju Ustanova je iskazano kao „mišljenje s rezervom“.

- Služba smatra da je potrebno vršiti kontinuirano ulaganje u objekte obdaništa, urediti vanjski prostor funkcionalno i sigurno za zaštitu zdravlja i sigurnosti djece, te izvršiti procjenu vrijednosti objekata zbog postojanja sredstava- prostora van upotrebe, a predhodno je potrebno da Ustanova napravi analizu sa svim potrebnim podacima kako bi se pripremila dugoročna strategija ulaganja u objekte. Također je nužno u što kraćem periodu regulirati uslove i metodologiju zakupa prostorija koje Ustanova ne koristi za obavljanje primarne fukcije.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za boračko - invalidsku i socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Predškolski odgoj i obrazovanje Zenica“ za 2020. godinu na razmatranje.

DOSTAVLJENO:

1 x Naslov

1 x a/a

PRILOG:

- Izvještaj o radu JU " Predškolski odgoj i obrazovanje " Zenica za 2020.godinu
- Odluku UO o usvajanju Izvještaja o radu br.06-0602-336/2-2021
- Odluku UO o ocjeni rada direktora br. 06-0602-337/1-2021
- Finansijski izvještaj za 2020. godinu sa izvještajem ovlaštenog revizora

Šef Odsjeka društvenih djelatnosti
Z.I.





BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA

IZVJEŠTAJ

*O radu Javne ustanove Predškolski odgoj i obrazovanje
Zenica
za 2020. godinu*

Zenica, mart 2021.godine

Sadržaj	
I OPĆI PODACI O USTANOVU	3
1. Status, naziv s osnovnim podacima, djelatnost	3
2. Funkcija predškolskog odgoja i obrazovanja	4
3. Prostorni kapaciteti	4
3.1. Radovi na objektima	5
4. Programi i organizacija rada	5
4.1. Radno vrijeme	5
4.2. Programi rada	5
5. Brojno stanje djece	6
5.1. Pregled upisane djece u Ustanovi od 01.01.2020. – 31.11.2020. godine	6
6. Zdravstveno-higijenski uslovi	6
6.1. Ishrana djece	7
7. Struktura zaposlenika	7
7.1. Kvalifikaciona i kadrovska struktura zaposlenika	8
7.2. Prikaz starosne strukture zaposlenika	8
II ODGOJNO-OBRAZOVNI RAD	8
1. Cilj odgojno-obrazovnog rada	8
2. Stručni organi u Ustanovi	9
3. Stručno usavršavanje	9
4. Realizacija programa stručnih saradnika	9
4.1. Rad koordinatora odgojno-obrazovnog rada Ustanove	10
4.2. Realizovani program logopeda	10
5. Saradnja sa porodicom	10
6. Saradnja sa društvenom sredinom	10
7. Realizirani projekti	11
III RAD ORGANA UPRAVLJANJA I RUKOVOĐENJA	14
1. Rad Upravnog odbora Ustanove	14
2. Rad direktora Ustanove	15
IV PREGLED I ANALIZA POSLOVANJA USTANOVE ZA 2020. GODINU	16
1. Finansiranje Ustanove	16
2. Prihodi i rashodi Ustanove	16
3. Višak rashoda nad prihodima	17
V MIŠLJENJA I PREPORUKE NEZAVISNOG REVIZORA	18
VI ZAVRŠNA RAZMATRANJA	19

I OPĆI PODACI O USTANOVU

1. Status, naziv s osnovnim podacima, djelatnost

Vijeće općine Zenica je na sjednici 11.07.1996. godine donijelo ODLUKU o zadržavanju prava Osnivača Radne organizacije Centar za predškolsko vaspitanje i obrazovanje Zenica, koji je osnovan od strane općine Zenica Rješenjem Narodnog odbora općine Zenica VL-br.072105/1 od 11.11.1960. godine, a upisan u Registar kod Višeg suda u Zenici. Rješenjem br. U/1-344/76 od 12.10.1976. godine; na registarskom br. 1-267.RO Centar za predškolsko vaspitanje i obrazovanje Zenica nastavlja djelatnost pod nazivom Javna ustanova Predškolski odgoj i obrazovanje Zenica (član 2. Odluke) i upisan je u Registar predškolskih ustanova 15.12.1997. godine U/1-1170/97.

Naziv ustanove:	Javna ustanova Predškolski odgoj i obrazovanje Zenica	
Skraćeni naziv:	JU POO Zenica	
Sjedište i telefon/fax	Zenica, Bulevar Ezhera Eze Arnautovića br. 5, 032/443-870	
Web i email Ustanove	<i>www.zenickivrtici.com</i>	<i>jupoo_zenica@yahoo.com</i>
Jedinstveni matični broj:	4218025220005	
Identifikacioni broj:	20196432	
Šifra djelatnosti:	80-101	
Poreski broj:	05000182	

Osnivač ustanove:	Vijeće općine Zenica
Resorno ministarstvo:	Ministarstvo obrazovanja, nauke, kulture i sporta Zeničko-dobojski kanton
Obrazovni nivo:	Predškolski odgoj i obrazovanje
Tip ustanove:	Javna ustanova za predškolski odgoj i obrazovanje

JU Predškolski odgoj i obrazovanje Zenica ima svojstvo pravnog lica i poseban žiro račun kod nadležne banke u Zenici. U pravnom prometu zaključuje ugovore i vrši druge pravne poslove i radnje u skladu svoje pravne sposobnosti.

JU Predškolski odgoj i obrazovanje Zenica je organizovana kao jedinstvena cjelina, u okviru koje djeluje Služba za opće poslove (Uprava) i vrtići u kojima se odvija odgojno-obrazovni program. Materijalno-finansijske i komercijalne poslove obavlja „Knjigovodstveni servis KLM“ Zenica.

Organ upravljanja u Ustanovi je Upravni odbor, a organ rukovođenja direktor. U vrtićima, iz reda odgajatelja, direktor imenuje rukovodioca vrtića.

Javni interes Osnivač ostvaruje preko Vijeća Grada i Gradonačelnika, zatim preko Službe za društvene djelatnosti i koji ima pravo kontrole ispunjavanja javnih interesa, zbog kojih je Osnivač osnovao Ustanovu.

Poslovi i zadaci planirani programom rada JU Predškolski odgoj i obrazovanje Zenica zasnovani su na:

1. Konvenciji o pravima djeteta
2. Cjelovitom razvojnom programu predškolskog odgoja i obrazovanja
3. Okvirnom zakonu o predškolskom odgoju i obrazovanju BiH (Službene novine BiH 88/07)
4. Zakonu o predškolskom odgoju i obrazovanju (Službene novine ZDK broj 7/10)
5. Programu rada JU Predškolski odgoj i obrazovanje Zenica
6. Kraćim programima (dopunske edukacije)

7. Pedagoškim standardima i normativima za predškolski odgoj i obrazovanje (Službene novine ZDK broj 2/11)
8. Zakonu o javnim ustanovama
9. Zakonu o stručnom usavršavanju
10. Pravilima Ustanove

2. Funkcija predškolskog odgoja i obrazovanja

Zakonom o predškolskom odgoju i obrazovanju reguliše se predškolski odgoj i obrazovanje djece od šest mjeseci starosti do polaska u osnovnu školu kao početni stepen jedinstvenog sistema odgoja i obrazovanja, koji se ostvaruje kroz programe sa ugrađenom zajedničkom jezgrom na području ZDK.

Zakonom o predškolskom odgoju i obrazovanju utvrđuju se: principi, ciljevi, standardi i normativi, upravljanje, rukovođenje, finansiranje, funkcije i nadzor, kao i druga pitanja u vezi sa organizacijom i osnivanjem predškolskih ustanova.

3. Prostorni kapaciteti

Tabelarni prikaz vrtića (objekata) s adresama i br. telefona, funkcija prostora (iskorištenost za primarnu funkciju –boravak djece), korisnici prostora i površina korištenog prostora

Red br	Objekat (vrtić)	Ulica i broj	Broj telefona	Površina prostora		Funkcija prostora	Korisnici prostora
				Unutarnji	Vanjski		
1.	Pinokio	Bul.Ezhera Eze Arnaudovića 5	201-040	1219 m ²	670 m ²	Primarna	Vrtić i Uprava
2.	Radost	Begagića put bb	222-534	806 m ²	945 m ²	Primarna	Ustanova -Stomatološka ordinacija „KRUNA“ (41 m ²)
3.	Pčelica	Mejdandžik 4	443-900	673 m ²	320 m ²	Sprat primarna	Ustanova Jedan dio prizemlja : -JU „Dom zdravlja“ Zenica (206 m ²)
4.	Dunja	Školska ul. 13	240 734	1219 m ²	460 m ²	Primarna	Ustanova - Sprat : „KRIYA“ Yoga centar (40 m ²)
5.	Poletarac	Prof. Juraja Neidharta 1	245 501	150 m ²	-	Primarna	Ustanova
6.	Sead Škrgo	Dr. Čire Truhelke 10 C	423 005	150 m ²	-	Primarna	Ustanova
7.	Kekec	Mokušnice 10		928 m ²	378 m ²	Nije u primarnoj funkciji	- Centar za edukaciju, informisanje i afirmaciju mladih „INPUT“ (36 m ²) - „Profil“ d.o.o. (352,73 m ²)
8.	Lipa	Travnička cesta 42		801 m ²	174 m ²	Sprat primarna funkcija	Sprat: Ustanova Prizemlje: UG „Pomirenje (70 m ²)“
9.	Kanarinac	Crkvice 28		1426 m ²	1870 m ²	Nije u prim.funkciji	-UG „Budimo prijatelji“ (88,04m ²) -UG „Zvijezda“ (73,55 m ²)
10.	Ciciban	Zije Dizdarevića 10		718 m ²	1272 m ²	Nije u prim.funkciji	Prizemlje: JU „Dom zdravlja“ (448 m ²) Sprat: Ruhama (584 m ²)
11.	S. Škrgo (Dom mladih)	Jalijski put 5		972 m ²	320 m ²	Nije u prim. funkciji	Podrum –Ustanova, vešeraj Općina /Dom mladih (367m ²)
12.	Garaže (2)	Mejdandžik bb		30 m ²	-	U upotrebi	Jedna pod zakupom

Napomena: Sa korisnicima prostora potpisani su Ugovori. Neki korisnici plaćaju naknadu za iznajmljeni prostor, a neprofitabilne organizacije oslobođene su plaćanja (prostore koriste uz saglasnost Osnivača).

3.1. Radovi na objektima

Neposredno prije obustave rada u vrtiću „Pčelica“ i „Sead Škrgo“ nabavljen je namještaj za dvije prostorije i šporeti za kuhinje.

Za vrijeme obustave rada promijenjena je kompletna vanjska stolarija u vrtićima „Sead Škrgo“ i „Poletarac“, a parcijalno u Vrtiću „Lipa“. U Vrtiću „Sead Škrgo“ okrečene su prostorije i postavljen je sistem zaštite-alarm. U Vrtiću „Radost“ su urađeni keramičarsko-vodovodni radovi u kuhinjama i trpezarijama, postavljena su nova vrata sa videofonima, okrečene su prostorije. U Vrtiću „Dunja“ postavljena su vrata sa videofonima na spratu. U Vrtiću „Pinokio“ okrečene su prostorije i hodnici, postavljena su vrata sa videofonima na spratu. Za šest vrtića nabavljeni su ormari i ležaljke sa madracima za djecu, didaktičke vitrine, pregradni ormarići i ormarići za presvlačenje beba.

4. Programi i organizacija rada

4.1. Radno vrijeme

Uprava (Zajednička služba): od 7,30 - 16,00 sati. U okviru programskih aktivnosti realizuju se cjelodnevni boravak od 6,30 - 17,00 sati, poludnevni (petosatni boravak), produženi boravak za djecu školskog uzrasta i program „Leptir“.

4.2. Programi rada

Svi programi odobreni su od Ministarstva obrazovanja, nauke, kulture i sporta Ze-Do kantona. Po završetku istih redovno su organizovane završne svečanosti, uz podjelu diploma i prigodnih poklona za djecu.

PROGRAMI USTANOVE			
Cjeloviti dnevni razvojni program 06.30-17.00 h	Cjeloviti poludnevni razvojni program (5 h dnevno)	Boravak i rad sa školskom djecom 06.30-17.00h	Program „Leptir“ 09.00-11.30 h
Jaslice (od 6 m.-3 g.): -doručak -ručak -užina Vrtić (od 3-6 g.): -doručak -ručak -užina -engleski jezik -logopedski tretman	Jaslice: -doručak -ručak Vrtić: -doručak -ručak -engleski jezik -logopedski tretman	Program obuhvata: -odlazak i povratak iz škole -doručak -ručak -užina -rad domaće zadaće	Boravak djece u vrtiću, dva puta sedmično , u pripadajućoj uzrasnoj grupi. Rad po Cjelovitom razvojnom programu sa engleskim jezikom.

Napomena: Korisnici usluga koji imaju dvoje ili više upisane djece ostvaruju maksimalan popust od 20% na ukupnu cijenu i dva puta godišnje popust za godišnji odmor.

S ciljem što većeg obuhvata djece predškolskog uzrasta ranim odgojem i obrazovanjem nastavljeno je sa realizacijom adaptacionog programa „**Leptir**“ za djecu uzrasta od 3 godine do polaska u školu. Aktivnosti se realizuju dva puta sedmično po dva i po sata, a mjesečna cijena je 30,00 KM. Zbog pandemije, ovaj odobreni program nije se realizovao u drugoj polovini 2020. godine.

Kraći specijalizirani programi: Rano učenje engleskog jezika kroz igru „**Little school of English language**“ u svim vrtićkim grupama i **Kompenzacijsko-rehabilitacijski program**, koji realizuje logopedica, po sedmičnom rasporedu.

5. Brojno stanje djece

5.1. Pregled upisane djece u Ustanovi od 01.01.2020. – 31.11.2020. godine

2020.	PINOKIO	PČELICA	POLETARAC	RADOST	DUNJA	SEAD ŠKRG	LIPA	Ukupan broj djece u 2020.g.
Januar	124	86	27	115	119	29	35	535
Februar	132	82	28	117	116	30	35	540
Mart	130	78	28	113	113	30	35	527
April	/	/	/	/	/	/	/	/
Maj	33	20	13	23	38	3	3	133
Juni	73	51	24	68	77	15	28	336
Juli	70	53	24	67	86	11	26	337
August	70	55	28	76	92	14	8	343
Septembar	86	68	34	78	105	15	15	401
Oktobar	90	66	33	82	106	17	18	412
Novembar	89	63	32	83	105	16	19	407
Decembar	88	66	34	86	104	17	17	412

Prosječan broj djece u 2020. godini iznosio je **365**. U Ustanovi je u periodu mart-maj 2020. godine trebao biti realizovan **Program obaveznog predškolskog odgoja i obrazovanja** (180 sati) za djecu u godini pred polazak u osnovnu školu. Ustanova je u saradnji sa MONKS-om ZDK u **29 grupa**, pri vrtićima, centralnim i područnim osnovnim školama, **obuhvatila 365 djece**. Realizacija ovog programa obustavljena 06.04.2020. godine dobijenom Obavijesti broj: 10-34-594-4-2-01/20 od Ministarstva obrazovanja, nauke, kulture i sporta ZDK radi preventivnog djelovanja, suzbijanja i širenja koronavirusa (COVID-19).

6. Zdravstveno-higijenski uslovi

Uvidom sanitarne inspekcije može se konstatovati da je nivo higijene u svim objektima bio na zadovoljavajućem nivou. Prema zakonskim odredbama, redovno jedanput mjesečno nadležna zdravstvena služba (JU Institut za zdravlje i sigurnost hrane), obavljala je kontrolu namirnica i spravljenih obroka (mikrobiološka analiza) i konstatovala ispravnost istih. Preventivna zdravstvena zaštita je realizovana tokom cijele godine: ljekarsko uvjerenje za djecu pri upisu, sanitarni nalazi zaposlenika, sistematski pregled, redovne deratizacije i dezinfekcije objekata i opreme, elementarna edukacija o zdravstvenoj kulturi djece kroz odgojno-obrazovne oblasti i svakodnevno održavanje kvalitetnih higijenskih uslova.

Zaposlenici Ustanov svakodnevno provode pojačane higijenske mjere. Pristup roditeljima u vrtić je onemogućen, a svaki potrebiti kontakt razgovor je pravovremeno realizovan uz osiguranje preporučenih mjera.

Ovu pedagošku godinu započeli smo sa striktnim preporukama koje se odnose na zdravstveno-higijensko-epidemiološku situaciju u svijetu i kod nas, i koje se u potpunosti primjenjuju i poštuju, propisanim od Instituta za zdravlje i sigurnost hrane:

- Procedure za početak rada predškolskih ustanova, broj: 02-1631/20, od 13.05.2020. godine;

- Izmjene i dopune Procedura za početak rada predškolskih ustanova, broj: 02-1774/20 od 28.05.2020.

Na osnovu Odluke Kantonalnog štaba civilne zaštite ZDK broj: 16-33-3232-83/20 od 14.05.2020. godine i navedenih preporuka donešen je Plan rada i organizacije u uslovima proglašenja stanja nesreće uzrokovanog pojavom koronavirusa (COVID-19) broj: 01-01010-457/1-2020 od 18.05.2020. godine.

Zdravstvena zaštita djece ima isključivo preventivni značaj. U cilju osiguranja optimalnih zdravstvenih i higijenskih uvjeta za boravak djece u vrtićima, kao i preventivne zdravstvene zaštite, ispunjeni su sljedeći uslovi:

- Sva djeca prilikom upisa u vrtić obavezna su imati ljeakarsko uvjerenje
- Svi uposlenici koji rade sa djecom obavezni su obaviti sanitarni i sistematski pregled jednom godišnje, a uposlenici koji su u direktnom kontaktu sa hranom dva puta godišnje rade sanitarni pregled
- Permanentno raditi na razvoju higijenskih navika kod djece
- Permanentno educirati kadrove iz oblasti zdravstvene zaštite

6.1. Ishrana djece

Svaki vrtić u Ustanovi posjeduje kuhinju, prostor za odlaganje hrane i trpezariju. U kuhinjama rade kvalifikovane kuharice i svakodnevno pripremaju hranu.

Obroci su pripremani u skladu sa normativima. Energetska vrijednost spravljenih obroka bila je na zadovoljavajućem nivou, na osnovu redovite provjere nalaza od JU Institut za zdravlje i sigurnost hrane Zenica i iznosila je (kJ/dan) 6488,3-6906,9 (6697,6), a kalorijska vrijednost (kcal/dan) 1550 -1650 (1600) što je 75% od ukupnog dnevnog unosa hrane, djece predškolskog uzrasta.

Obroci za djecu spravljeni su po načelu zdrave ishrane “ Zdravo jedi, zdravo rasti“. Zastupljena je mala količina masnoća i šećera, insistira se na konzumaciji svježeg voća, povrća i mliječnih proizvoda. Hrana i prehrambeni proizvodi se nabavljaju od provjerenih dobavljača, po osnovu raspisanih tendera. Kuharice obavljaju sanitarni pregled svakih šest mjeseci, a sanitarni minimum svake četiri godine u JU Dom zdravlja Zenica (Dokaz sanitarne knjižice i Uvjenja o sanitarnom minimumu).

Kroz projekat “Smanjenje faktora rizika za zdravlje stanovništva BiH”, „Bravo za zdravo“, podržanog od Federalnog ministarstva zdravstva i Svjetske banke napravljena je Prehrambena politika kojom su precizirani ciljevi ishrane predškolske djece i kreiran je novi jelovnik u čijoj izradi su učestvovali roditelji, odgajatelji i nutricionistkinja Maja Trifković.

Sedmični jelovnik nalazi se u prilogu Godišnjeg programa rada ustanove za pedagošku 2020/2021. godinu.

7. Struktura zaposlenika

Tabelarni prikaz zaposlenih na radnim mjestima u Ustanovi

Direktor	Sekretar	Koordinator	Def.logoped	Odgajatelji	M. sestre	Administracija	Kuharica	Tehničko osoblje
1	1	1	1	30	20	2	8	15

Ukupan broj zaposlenih u Ustanovi u 2020. godini je 79 zaposlenika, u stalnom radnom odnosu 79. U toku protekle godine za rad na stručnom osposobljavanju, bez zasnivanja radnog odnosa u trajanju od godine dana, angažovana je 1 profesorica predškolskog odgoja.

7.1. Kvalifikaciona i kadrovska struktura zaposlenika

STRUČNA SPREMA	MR	VSS	VŠS	SSS	VKV	KV	NK
BROJ ZAPOSLENIKA	1	18	16	31	1	8	4
UKUPNO:	79						

7.2. Prikaz starosne strukture zaposlenika

GODINE ŽIVOTA	Do 35	Do 40	Do 45	Do 50	Do 55	Do 60	Do 65
BROJ ZAPOSLENIKA	18	5	5	5	24	6	16
UKUPNO:	79						

II ODGOJNO-OBRAZOVNI RAD

Cjelokupni odgojno-obrazovni rad u Ustanovi je zasnovan na Konceptiji predškolskog odgoja i obrazovanja koja proizilazi iz Cjelovitog razvojnog programa Ustanove, na osnovu kojeg se izrađuje Metodologija godišnjeg plana i programa rada Ustanove za školsku godinu.

1. Cilj odgojno-obrazovnog rada

Odgojno-obrazovni rad planira se i provodi na osnovu Godišnjeg plana i programa rada, koji se izrađuje početkom svake pedagoške godine i kojeg odobrava Ministarstvo obrazovanja, nauke, kulture i sporta ZE-DO kantona.

Predškolski odgoj i obrazovanje sastavni je dio odgojno-obrazovnog sistema u Bosni i Hercegovini. On je prvi, poseban i specifičan stepen odgojno-obrazovnog sistema koji se bavi odgojem djece predškolske dobi.

Predškolski odgoj čini početnu strukturu integralnog odgojnog sistema. Kao temeljni dio sistema ima nezamjenjivu ulogu u odgoju i obrazovanju djece. Predškolski odgoj je bitan segment uspostavljanja prvih temelja za izgrađivanje samostalne, autonomne, integrirane i stvaralačke ličnosti.

Globalni cilj predškolskog odgoja i obrazovanja je da se u skladu sa realnim mogućnostima obezbijede uslovi za cjelovit razvoj i ostvarivanje prava djece u skladu sa Konvencijom UN o pravima djece, kroz odgovarajuću podršku porodici razvoj i jačanje predškolskih institucija u ostvarivanju principa na kojima se zasniva predškolski odgoj i obrazovanje.

Opći cilj predškolskog odgoja i obrazovanja je osigurati optimalne uslove kako bi svako dijete od rođenja do polaska u školu, razvijalo i ostvarilo svoje pune potencijale i kompetencije kroz različite vidove kvalitetnog, profesionalnog, autonomnog, institucionalnog i vaninstitucionalnog predškolskog odgoja i obrazovanja. S obzirom da predškolska ustanova ima opći i poseban značaj, programi rada se temelje kako na općim principima koji su zajednički ovoj oblasti, tako i na specifikumu same predškolske ustanove. Pri definisanju cilja

i zadatka potrebno je ispoštovati: zakonske osnove, primjenu programa, pedagoške standarde i normative, znanstvena i stručna dostignuća, te iskustvo i tradiciju same predškolske ustanove. Prema tome, bitne zadaće i sadržaji koji doprinose stvaranju uslova za organizaciju i obogaćivanje aktivnosti djece radi kvalitetnog zadovoljavanja dječijih interesa i razvojnih potreba, te unapređivanju kvalitete života djece u cjelini se odnose na:

- Tjelesni i psihomotorni razvoj
- Socio – emocionalni razvoj i razvoj ličnosti
- Spoznajni razvoj
- Govor, komunikacija, izražavanje i stvaralaštvo

Planiranje, pripremanje i organizacija cjelokupnog odgojno-obrazovnog rada zasnivala se na radu kompletnog stručnog tima vrtića, koji obuhvata domen dječije stvarnosti, dječija interesovanja, potrebe, psihofizičke karakteristike, uzrast djece i uzrasnu grupu kojoj dijete pripada.

U vrtićima borave i djeca sa poteškoćama u razvoju integrirana u postojeće uzrasne grupe za čiju socijalizaciju i adaptaciju su zaduženi odgajatelji, medicinske sestre i stručni saradnici (koordinator odgojno-obrazovnog rada i defektolog-logoped). Stručni saradnici su zajedno sa odgajateljima pratili dinamiku uključivanja ove djece i intenzivno sarađivali sa roditeljima.

2. Stručni organi u Ustanovi

Stručni organi u Ustanovi su Stručno vijeće (održane 2 sjednice) i Stručni aktivisti (održano 10 sjednica). Osnovna orijentacija rada navedenih stručnih tijela bila je bavljenje stručnom tematikom i pitanjima koja su svojim značajem doprinosila kvalitetnijem osmišljavanju, organiziranju i vođenju konkretnih aktivnosti sa djecom kao i proširivanje profesionalnog vidokruga odgojno-obrazovnog rada u skladu sa savremenim tendencijama u oblasti psihologije, pedagogije, medicine idrugih naučnih disciplina čemu su doprinijele realizirane teme, a sve u skladu sa novonastalom pandemijskom situacijom.

3. Stručno usavršavanje

U okviru individualnog i kolektivnog usavršavanja nosioci ovih obaveza su, prema Pravilniku o stalnom stručnom usavršavanju, realizirali svoje obaveze, kroz predavanja i radionice interaktivnog učenja u Ustanovi. Individualno stručno usavršavanje prati se kroz neposredan odgojno-obrazovni rad u grupi sa djecom (ogledno/ugledne aktivnosti), kao i stručne teme koje se prezentiraju u vidu izlaganja i radionica na Stručnim vijećima i aktivima na osnovu plana i programa stručnog usavršavanja, zatim seminare, konferencije te druge vidove koji odgajatelju pomažu u osavremenjavanju stručnog rada, koji su u ovoj godini uskraćeni nemogućnošću realizacije zbog preporučenih mjera

Učešće na seminarima:

Fraktali u funkciji prevencije poremećaja djece predškolskog uzrasta – razvoj kreativnosti kroz fraktalni crtež u organizaciji UG „Mreža kompetencija“ (dvije stručne radnice)

4. Realizacija programa stručnih saradnika

Stručni saradnici Ustanove su: koordinator odgojno-obrazovnog rada dipl. defektolog - logoped. Na osnovu Metodologije godišnjeg plana i programa rada Ustanove za školsku 2020/2021. godinu stručni saradnici su izradili svoje Programe rada i realizuju ih u okviru programskih sadržaja, ciljeva i zadataka odgojno obrazovnog rada i unapređenja istih.

4.1. Rad koordinatora odgojno-obrazovnog rada Ustanove

Rad koordinatora odgojno-obrazovnog rada u okviru programskih sadržaja, ciljeva, zadataka odgojno-obrazovnog rada te unapređenja istih, realizovan je u pravcu organizacije, praćenja i poboljšanja kvalitete rada sa djecom na nivou Ustanove. Učestvovanje u izradi Godišnjeg programa rada, planiranje stručnih aktivna odgajatelja i njegovatelja, praćenje pedagoške dokumentacije, planiranje roditeljskih sastanaka i radionica za roditelje, redovna saradnja sa rukovodiocima vrtića, praćenje stručnog rada odgajatelja i njegovatelja. Saradnja sa društvenom sredinom: nadležna i druga ministarstva, Pedagoški zavod Zenica, Filozofski i Islamski pedagoški fakultet, osnovne i srednje škole, javne i private predškolske i druge ustanove sličnih djelatnosti, NO, sportski klubovi, CIVITAS BiH, NO "Save the Children", mediji.

4.2. Realizovani program logopeda

Sva djeca nakon upisa su opservirana, a tokom školske godine vršeni su i dodatni pregledi na zahtjev roditelja. Nakon sistematskih pregleda prema uputama ljekara, pred polazak u školu, broj upisane djece s poteškoćama u razvoju znatno se povećao i ove godine. Ovisno o težini poremećaja djeca iz mlađih grupa su se kasnije uključivala na tretman, u skladu sa individualnim odstupanjima prema normama korištenih testova vezanih za dob.

Nakon detekcije i opservacije provedene na nivou Ustanove na logopedskom tretmanu na početku školske godine bilo je evidentirano **50** djece. Od tog broja, broj djece s drugim poteškoćama koja su koristila usluge nevladinih organizacija i drugih ustanova iz oblasti zdravstva i socijalne zaštite na nivou Grada bio je **22**. Broj djece iz mlađih vrtićkih grupa s usporenim i zakašnjelim govornim razvojem i ove godine je bio znatno povećan. Zbog bolesti, tokom adaptacije na kolektivni boravak, broj djece na tretmanu bio je varijabilan.

S obzirom na to da je početak rada nakon zabrane počeo krajem predškolske godine (maj 2020. godine), logoped je aktivnosti pripremio u skladu s programom rada „Ljeto u vrtiću“, a poštujući mjere i preporuke direktorice i nadležnih organa vezano za Covid-19, rad je nastavljen početkom pedagoške 2020/2021. godine (septembar 2020. godine).

Djeca s ponašajnim problemima nisu prikazana zbog nepostojeće relevantne dokumentacije i adekvatnih stručnih saradnika. Prema standardima i normativima kada se u jednu odgojnu grupu uključi jedno dijete s lakšim teškoćama u razvoju, broj djece u grupi se umanjuje za dvoje, a kada se uključi dijete sa većim ili kombinovanim oštećenjima broj djece se umanjuje za troje.

5. Saradnja sa porodicom

Obavezni opći i grupni roditeljski sastanci, radionice i aktivnosti za roditelje realizovani su u skladu sa trenutnom epidemiološkom situacijom i uz poštivanje preporuka tokom godine sa ciljem jačanja roditeljskih kompetencija i izgradnje kvalitetnih partnerskih odnosa. Roditelji su formirali Vijeće roditelja u svakom vrtiću, a na nivou Ustanove Vijeće roditelja koje se sastaje po potrebi, na inicijativu roditelja, rukovodioca vrtića ili direktora, a u skladu sa propisanim higijensko epidemiološkim mjerama.

6. Saradnja sa društvenom sredinom

Plan i program saradnje s društvenom zajednicom, kulturna i javna djelatnost planski je obuhvaćena Metodologijom Godišnjeg plana i programa za školsku 2020/2021. godinu. Kroz tematske cjeline koje su pratile društvena događanja u gradu i okolini, a prateći Nastavni

kalendar događanja u našoj Ustanovi, planirane su i realizirane javne i kulturne aktivnosti od kojih je većina bila online.

Od 2013.godine u funkciji je zvanična web stranica Ustanove www.zenickivrtici.com, na kojoj se mogu svakodnevno pronaći sve informacije i aktuelnosti vezane za rad Ustanove.

Saradnja sa društvenom zajednicom, posebno se ostvaruje kroz našu fb stranicu JU Predškolski odgoj i obrazovanje Zenica.

7. Realizirani projekti

Sve aktivnosti koje su planirane Godišnjim programom rada realizirane su do obustave rada uzrokovane pandemijom corona virusa. Za vrijeme obustave rada sa djecom, zaposlenici koji su završili sa svojim godišnjim odmorom po preporuci Operativnog kriznog tima, radili su na izradi didaktičkog materijala, uređenju interijera radnih soba i ustanove, pripremale i realizirale edukativno zabavne video priloge za djecu i roditelje, koji su postavljeni na fb stranice Ustanove. Također su se realizirale i teme iz stručnog usavršavanja.

Nakon početka rada nastavlja se sa aktivnostima planiranim iz GPR-a.

Program obaveznog predškolskog odgoja i obrazovanja

u ovoj godini je realizovan u trajanju od 180 sati za 365 djece u područnim školama i vrtićima. Program je obustavljen 06.04.2020. godine dobijenom Obavjesti broj: 10-34-594-4-2-01/20 od Ministarstva obrazovanja, nauke, kulture i sporta ZDK radi preventivnog djelovanja, suzbijanja i širenja koronavirusa (COVID-19).

„Sve će biti uredu/ Ostani kući“

Prvih dana obustave rade, zbunjeni i uplašeni bili smo svi, a naša osjećanja su se manifestovala na djecu, koja su po naredbi morala biti u kući, trebalo je vratiti volju i odagnati ružne misli određenim odgojno-obrazovnim aktivnostima. Učenjem pjesme „Sve će biti uredu“ odgajateljice i pjesnikinje Alise Trtak, čiju su izvedbu roditelji snimali i slali video snimke na fb stranicu naše Ustanove, koja je interaktivno postala razmjena pozdrava i dobrih želja, pokušali smo sve nesigurnosti otjerati i pružiti podršku oboljelima od corone. Kroz ovaj projekt shvatili smo uzajamnu povezanost i potrebu građana za predškolskim odgojem, ne samo u smještajnom i odgojno-obrazovnom smislu, već i u emotivnom.

„Vrtić u kući#ostani“

Do realizacije prakse “Vrtić u kući #ostani kući” došlo je uslijed pandemije izazvane virusom COVID-19 i zatvaranja vrtića Ustanove (naredbom nadležnih institucija) koja nije prestajala sa radom u svojoj dugogodišnjoj historiji, čak ni za vrijeme rata.

U nastojanju da u specifičnim uslovima proglašenja pandemije, zatvaranja vrtića i zabrane kretanja djeci, kao ustanova institucionalnom predškolskog odgoja i obrazovanja ponudili smo roditeljima i djeci odgojno-obrazovne sadržaje te iznašli način da se povežemo sa roditeljima i djecom primjereno uzrastu predškolskog djeteta, da budemo prisutni i aktivni i u široj javnosti i da budemo podrška jedni drugima. Svakog radnog dana tačno u 18.00 sati objavljivali smo po jedan edukativni videozapis, koje su stručni radnici pravili u svojim domovima i sa svojim ukućanima, te postavljali zadatak za djecu i roditelje vezano za objavljeni videozapis.

Zauzvrat su od roditelja i djece pristizali crteži, fotografije, videozapisi, brojni komentari i poruke koje je nemoguće kvantitativno izraziti.

Ideju o novom pristupu odgoju i obrazovanju predškolske djece (u uslovima pandemije) osmislila je i njenom realizacijom rukovodila direktorica uz angažman Pedagoškog tima Ustanove, a na osnovu realizovanog plana, COI Step by Step je ovu praksu uvrstio u 10

najinovativnijih praksi u oblasti predškolskog odgoja i obrazovanja u Bosni i Hercegovini za 2020. godinu.

"Čist zrak, zdrava hrana"

Projekat je finansiralo Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Cilj projekta jeste doprinijeti mobilizaciji djece kako bi bolje razumjeli međuzavisnost svijeta u kojem žive te ih motivisati na stjecanje novih vještina te djelovanja u smjeru globalno i ekološki odgovornog načina konzumiranja hrane, kao i educirati odgajatelje o načinu pripreme hrane iz prirode i u prirodi, kao preduslova za dalje edukacije djece i roditelja.

Realizacija projekta planirana je u 4 faze, od kojih je jedna postavka platenika u dvorištu vrtića "Pinokio".

„Samo čista rijeka blista“

Projekat je finansiralo Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Cilj projekta je doprinijeti mobilizaciji i edukaciji djece, roditelja i odgajatelja u kreiranju ekološki prihvatljivih oblika ponašanja sa akcentom na ekologiji rijeka te promocija istih u društvenoj sredini. Zbog proglašenja pandemije COVID-19 projekat je prilagođen datoj situaciji pa su projektene aktivnosti imale i online verziju u kojoj su djeca uz podršku odgajateljica, a u tehničkoj izvedbi roditelja kreirali ekološke slogane, koji su u video formatu emitovani na fb stranici Ustanove. U okviru projekta nabavljeni su akvarijumi sa ribicama o kojima se svakodnevno brinu djeca.

„Ljeto u vrtiću“

Tokom ljetnjeg perioda aktivnosti realizovane u vrtićima bile su internog karaktera i često su se bazirale na podršci i osnaživanju djece u doba pandemije, zdravoj hrani i fizičkoj aktivnosti, a sve prateći dobrim raspoloženjem, pokretnim i muzičkim igrama. Djeca su u vrtićima uživala u realizaciji projekata „Čist zrak, zdrava hrana“ i „Samo čista rijeka blista“, a u vrtić Pinokio po ovom projektu instaliran je platenik koji je donio mnoštvo plodova, a u vrtiće Radost i Pčelica akvarijum. Djeca su većinu vremena provodila u dvorištima i na terasama. Veliki interes za predškolski odgoj i način organizacije rada u ovom periodu pokazali su mediji koji su snimali priloge u dvorištima vrtića.

Međunarodni projekat „Rastimo uz ples - Djeca na trgovima 2019/20“

U uslovima vanrednog stanja zbog opasnosti od korona virusa manifestacija nije održana na uobičajen način, ali djeca su ipak pobijedila i ovog puta. U okviru svojih vrtića snimljena je plesna razglednica završnih aktivnosti projekta "Rastimo uz ples-deca na trgovima" iz JU Predškolski odgoj i obrazovanje Zenica, poslali smo je drugarima iz regiona, koja je javno emitovana i viđena u svim gradovima gdje se projekat realizovao.

<https://www.youtube.com/watch?v=F59Gb48oFHM&t=7s>

“Predškolsko obrazovanje za svu djecu - PEACH”

Caritas Švicarske je 01.05.2018. godine započeo sa projektom “Predškolsko obrazovanje za svu djecu - PEACH” u Kantonu Sarajevo, Zeničko-Dobojskom kantonu (Zavidovići, Kakanj i Zenica). Caritas Švicarske u ZDK realizuje projekt u saradnji sa Asocijacijom za razvoj LEDA, u Kantonu Sarajevo sa Društvom ujedinjenih građanskih inicijativa Duga i u oba kantona u saradnji sa institucionalnim partnerima:

- Ministarstvo za obrazovanje, nauku i mlade Kantona Sarajevo
- Ministarstvo obrazovanja, nauke, kulture i sporta Zeničko-dobojskog kantona

- Općina Kakanj
- Općina Zavidovići
- Grad Zenica
- Javna ustanova „Djeca Sarajeva“
- JU „Mladost“ Kakanj
- JU Predškolski odgoj i obrazovanje Zenica
- JU Gradski vrtić Zavidovići
- Islamski pedagoški fakultet Zenica
- Pedagoški fakultet Sarajevo.

Osnovni i specifični ciljevi projekta su:

- Povećanje uključivanja djece u predškolski odgoj i obrazovanje
- Poboljšanje kvalitete predškolskog odgoja i obrazovanja
- Djeca iz ranjivih porodica imaju pristup predškolskom obrazovanju,
- Predškolsko obrazovanje napravljeno da bude usmjereno prema potrebama djece
- Predškolsko obrazovanje poboljšano kroz uvođenje savremenih metodologija, socijalne inkluzije i dječijih prava, posebno se osvrćući na ranjivu kategoriju djece.

Očekivani rezultati:

- Povećanje prisustva romske djece za 20%
- Povećanje prisustva djece iz ranjivih porodica za 10%
- Sva djeca imaju koristi od poboljšanih uslova u predškolskim ustanovama
- 780 djece uključeno u predškolske ustanove
- 668 djece završava jednu godinu predškolskog odgoja i obrazovanja
- Ministarstva obrazovanja i Univerziteti usvajaju nove nastavne metode

I ove godine projekat je realizovan u vrtiću “Lipa”.

„Smotra malih građana“ CIVITAS

Ove godine organizacija rada CIVITAS-ovog građanskog obrazovanja dobila je dodatnu težinu i važnost, jer smo u ovo pandemijsko vrijeme počeli da primjenjujemo sve ono što nas građansko obrazovanje uči. U specifičnim uslovima organizovali smo boravak djece poštujući pri tom sve higijensko-epidemiološke mjere. Susret djece sa djecom, na početku predstavlja malo istraživanje. Kasnije je to prijateljstvo. Učestvujući u svim predškolskim aktivnostima, djeci je lako da uoče sve koncepte koji su i inače dio našeg odnosa prema životu. Stjecanje higijenskih navika u kolektivu, navikavanje na radne zadatke, vođena igra i beskrajna zabava su nešto na šta su sva djeca spremna.

Kroz centre aktivnosti djeca su našim zadanim temama, konceptima građanskog odgoja i obrazovanja, uradila i usvojila puno toga. Ono što je ostavilo dubok dojam, kroz odgojno-obrazovne oblasti, je maternji jezik koji su djeca obogatila raznim pojmovima i sa četiri izuzetne priče koje su pričane kod kuće, u komšiluku, kod prijatelja. Dramatizacija istih, doprinijela je, kako odgojno-obrazovnom, tako i umjetničkom dojmu svega onoga što smo htjeli postići.

Umjesto „Smotre malih građana“ i tradicionalnog odlaska u Sarajevo, u naša tri vrtića u kojima se program realizovao, pripremane su interne priredbe. Pjesma „Bacite cigarete“ kojom je predstavljen koncept „Odgovornost“ direktno je vezana i za zdravstveni odgoj i vrlo važnu poruku odraslima. Iz tri vrtića, snimljena je po jedne strofe pjesme, koju smo spojili u jedan video koji smo dostavili CIVITAS-u za online „Smotru malih građana“.

<https://www.youtube.com/watch?v=ebx0FIciff8>

„Dan dječije radosti“

Poštujući preporučene mjere realiziran je program Dana dječijih radosti, internog karaktera. Djeda Mraz je i ove godine bila odgajateljica Amela Fetić, a iz svakog vrtića napravljen je video sa svečanosti koji je realizovan na fb stranici Ustanove. Poklon-pakete za 400 djece obezbjedila je Gradska uprava, a gradonačelnik Fuad Kasumović prisustvovao je u vrtiću „Radost“ na svečanosti jedne grupe i djeci podjelio paketiće.

III RAD ORGANA UPRAVLJANJA I RUKOVOĐENJA

1. Rad Upravnog odbora Ustanove

U izvještajnom periodu Privremeni Upravni odbor Ustanove, imenovan Rješenjem o imenovanju Privremenog upravnog odbora JU Predškolski odgoj i obrazovanje Zenica na mandatni period od tri mjeseca, a do okončanja konkursne procedure za izbor i menovanje članova Upravnog odbora, broj: 02-49-18869/19 od 02.09.2019.godine u sastavu:

- Asmir Mašić, dipl. ekonomista
- Mia Pojskić, dipl. ekonomistkinja i
- Alisa Trtak, prof. razredne nastave,

održao je 2 redovne sjednice Upravnog odbora na kojima je razmatrao aktuelna pitanja značajna za rad Ustanove te donio preporuke i odluke: Odluka o otpisu zastarjelih potraživanja, Odluka o ispravci evidencije korisnika usluga, Odluka o raspisivanju Javnog oglasa za prijem odgajatelja za potrebe realizacije Programa obaveznog predškolskog odgoja i obrazovanja u godini pred polazak u osnovnu školu i Odluka o usvajanju Pravilnika o zaštiti od požara.

Upravni odbor JU Predškolski odgoj i obrazovanje Zenica u sastavu:

- Amna Šestić, prof. bosanskog, hrvatskog i srpskog jezika, predsjednica
- Adis Baručija, dipl. Ekonomista, član
- Alisa Trtak, prof. razredne nastave, članica,

imenovan Rješenjem Gradonačelnika Grada Zenice broj: 02-44-1274/19 od 22.01.2020. godine,

u izvještajnom periodu održao je 4 redovne i 5 vanrednih sjednica te razmatrao značajna pitanja za rad Ustanove te u skladu sa svojim ingerencijama i preporukama i naredbama nadležnih, a u vezi sa pandemijom COVID-19, donio niz saglasnosti, odluka i zaključaka od kojih su najznačajnije:

Odluka o usvajanju Poslovnika o radu Upravnog odbora JU Predškolski odgoj i obrazovanje Zenica, Odluka o obustavi rada JU Predškolski odgoj i obrazovanje Zenica do daljnjeg, Odluka o obustavi plaćanja usluga Javnoj ustanovi Predškolski odgoj i obrazovanje Zenica zbog obustave rada, Odluka o početku rada JU Predškolski odgoj i obrazovanje Zenica u skladu sa preporučenim mjerama nadležnih, Odluka o usvajanju Izvještaja o radu JU Predškolski odgoj i obrazovanje Zenica za 2019. godinu, Odluka kojom se prihvata ocjena nadležnog Ministarstva i Pedagoškog zavoda Zenica. (broj: 10-1-38-07554-6/18) kojom se Rješenjem o ocjeni rada za školsku 2018/2019. godinu, direktor ocjenjuje ocjenom - Naročito se ističe, Odluka o usvajanju Godišnjeg programa rada JU Predškolski odgoj i obrazovanje Zenica za školsku 2020/2021. godinu, Odluka o usvajanju Finansijskog plana za 2021. godinu te druge Odluke, zaključke i preporuke neophodne za funkcionisanje Ustanove i zaštitu primarne djelatnosti kao i interesa Osnivača, zaposlenika i korisnika usluga.

2. Rad direktora Ustanove

Direktor Ustanove radio je u skladu sa zakonskim i podzakonskim odredbama i dr. propisima, kao i relevantnim međunarodnim dokumentima iz oblasti predškolskog odgoja i obrazovanja, poštujući etičke principe kroz planirane i tekuće poslove.

U skladu sa trenutnom epidemiološkom situacijom direktorica je rukovodila i upravljala Operativnim kriznim timom u JU Predškolski odgoj i obrazovanje čiji članovi su rukovodioci vrtića.

U skladu s Pravilima Ustanove, Pravilniku o radu i Pravilniku organizaciji i sistematizaciji radnih mjesta, realizovani su redovni zadaci:

- Izrada Izvještaja o radu Ustanove za 2019. godinu;
- Izrada Godišnjeg programa rada 2020/2021. pedagošku godinu;
- Izrada Plana Finansijskih potreba za 2021. godinu;
- Izrada i donošenje Plana rada i organizacije u uslovima proglašenja stanja nesreće uzrokovanog pojavom koronavirusa (COVID-19) broj: 01-0101/1-457-2020, od 18.05.2020. godine
- Svakodnevna saradnja s knjigovodstvenim servisom;
- Plan rada direktora i kraći Izvještaj o radu prezentovan je na svakoj sjednici Upravnog odbora, na sjednicama Stručnog vijeća, sastancima sa stručnim timom, koordinatorima vrtića i administrativnom službom;
- Saradnja sa Vijećem roditeljima, sastanci i individualni razgovori sa roditeljima;
- Učešće u Savjetodavnom vijeću projekta PEACH u kojem su predstavnici predškolskih ustanova iz Zenice i Kaknja, predstavnici gradskih/općinskih uprava Zenice i Zavidovića, predstavica Ministarstva za obrazovanje, nauku, kulturu i sport ZDK, predstavnik Centra za socijalni rad Zenica, te predstavnici Caritasa Švicarske i Asocijacije za razvoj LEDA. Na Vijeću su utvrđeni rezultati projekta prethodne pedagoške godine, ali i planovima za tekuću.
- Učešće u radu Aktiva direktora predškolskih ustanova ZDK;
- Redovna saradnja sa Ministarstvom obrazovanja, nauke kulture i sporta, Gradonačelnikom, Resornim službama Grada, Gradskim vijećem, Javnim ustanovama i preduzećima;
- Povremeno angažovana kao stručni saradnik na IPF Zenica i na Filozofskom fakultetu Zenica, odsjek Razredna nastava za Organizaciju pedagoške i metodičke prakse za studente predškolskog odgoja i razredne nastave;
- Saradnja sa drugim društvenim subjektima na nivou grada, kantona, federacije, države, korisnicima usluga, medijima;
- Poseban angažman na iznalaženju donatorskih sredstava i apliciranje projektnih prijedloga u svrhu unapređenja rada Ustanove (razne aktivnosti i usluge, didakto materijal, inventar, prehrambeni proizvodi, audio-vizuelna sredstva, materijal za tekuće održavanje i dr), što je značajno utjecalo na poslovanje Ustanove;
- Rješenjem o ocjeni rada za školsku 2019/2020. godinu, Direktor je ocjenjen ocjenom, Naročito se ističe, od strane nadležnog Ministarstva i Pedagoškog zavoda Zenica. (broj: 10-1-38-08097-6/19, od 15.09.2020. godine)

IV PREGLED I ANALIZA POSLOVANJA USTANOVE ZA 2020. GODINU

1. Finansiranje Ustanove

Finansiranje Ustanove određeno je Okvirnim zakonom o predškolskom odgoju i obrazovanju BiH (Sl. Glasnik BiH, br: 88/2007.) i Kantonalnim zakonom o predškolskom odgoju i obrazovanju (Sl. Novine Ze-do kantona, br: 5/97. čl.52), te Odlukom o preuzimanju prava Osnivača koju je donijelo Općinsko vijeće (11.07.1996. godine, br: 01-023-43/96).

Donošenjem Podzakonskih akata, od kojih je naročito važan **Kriteriji finansiranja** (Sl. Novine, Ze-do kantona 12/10), kod kojeg se visina sredstava utvrđuje posebnim ugovorom između osnivača i predškolske ustanove za svaku godinu.

Sredstva sadrže:

- a) bruto plaće zaposlenika
- b) naknade i visine naknada koje nemaju karakter plaća
- c) sredstva za materijalne troškove
- d) sredstva za nabavku opreme i učila
- e) potrošni materijal za odgojno-obrazovni rad
- f) amortizaciju i tekuće investicijsko održavanje objekata
- g) dio radno-igrovnog materijala

Poštujući Kriterije finansiranja djelatnosti, finansijsku podršku Osnivača, pedagoške standarde i normative moguće je stvoriti uslove za kvalitetan rad.

U skladu sa pomenutim Zakonima Osnivač Ustanove obavezan je Ustanovi obezbijediti sredstava za realizaciju primarnog i specijaliziranih programa u skladu sa pedagoškim standardima i normativima, shodno posebno donesenim propisima o ustupanju javnih prihoda. Ustanova ostvaruje prihode od:

- Osnivača Ustanove, sredstva primljena po Zaključku Gradonačelnika po mjesecima na ime finansiranja djelatnosti za 2020. godinu
- Korisnika usluga
- Realizacije kraćih programa, projekata i sl.
- Iznajmljivanja prostora sa naknadom zakupnine
- Donacija

2. Prihodi i rashodi Ustanove

Ustanova je rashode definisala u skladu sa Zakonom o Budžetima u FBiH (Sl. Novine FBiH, br: 19/06), čl. 59. u skladu sa čl. 21. Stav 3. Uredbe i čl. 40-47 Pravilnika o knjigovodstvu Budžeta FBiH. Rashode u toku 2019. godine, društvo je vodilo na akrealnoj osnovi.

Ustanova je prihode definisala u skladu sa Zakonom o Budžetima u FBiH (Sl. Novine FBiH, br: 19/06), čl.59, te u skladu sa čl. 21. stav 3. Uredbe i čl. 48. Pravilnika o knjigovodstvu Budžeta FBiH.

RAČUN PRIHODA I RASHODA ZA PERIOD OD 01.01.2020.-31.12.2020.

R.b.	Broj Konta	O p i s	2020.	2019.
1.		I RASHODI	1.659.540	1.560.308
2.		Tekući rashodi	1.659.540	1.560.308
3.	611000	Plaće i naknade troškova zaposlenih	1.475.892	1.296.834
4.	611100	Bruto plaće i naknade	1.270.372	1.097.774
5.	611200	Naknade troškova zaposlenih	205.520	199.060
6.	613000	Izdaci za materijal, sitni inventar i usluge	183.648	258.474
7.	613100	Putni troškovi	1	2.527
8.	613200	Izdaci za energiju	31.332	31.965
9.	613300	Izdaci za komunikaciju i komunalne usluge	19.610	21.753
10.	613400	Nabavka materijala i sitnog inventara	76.502	82.488
11.	613500	Izdaci za usluge prevoza i goriva	1.315	2.503
12.	613700	Izdaci za tekuće održavanje	2.166	2.527
13.	613800	Izdaci osiguranja, bankarskih usluga i usluga platnog prometa	14.049	7.869
14.	613900	Ugovorene i druge posebne usluge	38.673	106.842
15.	614000	Tekući transferi i drugi tekući rashodi	0	5.000
16.	614400	Subvencije javnim preduzećima	0	5.000
17.	700000	II PRIHODI	1.585.459	1.661.908
18.	720000	Neporezni prihodi	656.530	1.054.408
19.	721000	Prihodi od poduzetničkih aktivnosti i imovine i prihodi od pozitivnih kursnih razlika	45.706	73.855
20.	721200	Ostali prihodi od imovine	45.706	73.855
21.	722000	Naknade i takse i prihodi od pružanja javnih usluga	610.824	980.553
22.	722600	Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)	561.468	813.663
23.	722700	Neplanirane uplate - prihodi	49.356	166.890
24.	723000	Novčane kazne (neporeske prirode)	0	0
25.	730000	Primljeni transferi (transferi i donacije)	928.929	607.500
26.	732000	Primljeni tekući transferi od ostalih nivoa vlasti	920.683	600.000
27.	732100	Primljeni tekući transferi od ostalih nivoa vlasti i fondova	920.683	600.000
28.	733000	Donacije	8.246	7.500
29.	733100	Donacije	8.246	7.500
30.		VIŠAK PRIHODA NAD RASHODIMA	0	101.600
31.		VIŠAK RASHODA NAD PRIHODIMA	74.081	0

3. Višak rashoda nad prihodima

Ustanova je izvršila obračun (utvrđivanje) finansijskog rezultata obračunskog perioda, sučeljavanjem ukupnih prihoda i rashoda obračunskog perioda.

Ostvareni višak rashoda nad prihodima za period 01.01.-31.12.2020. godine iznosi 74.081.00 KM.

Pregled prihoda i rashoda od 2012. - 2020. godine					
R.br.	Godina	Prihod	Rashod	Višak prihoda nad rashodima	Višak rashoda nad prihodima
1.	2012.	1.240.222	1.185.410	54.812.00	/
2.	2013.	1.226.854	1.218.549	8.035.00	/
3.	2014.	1.260.786	1.362.497	/	101.711.00
4.	2015.	1.447.251	1.431.783	15.469.00	/
5.	2016.	1.380.417	1.376.247	4.170.00	/
6.	2017.	1.488.569	1.420.324	68.245.00	/
7.	2018.	1.575.698	1.438.836	136.862,00	/
8.	2019.	1.661.908	1.560.308	101.600.00	/
9.	2020.	1.585.459	1.659.540	/	74.081.00

V MIŠLJENJA I PREPORUKE NEZAVISNOG REVIZORA

Ustanova je obavezna Osnivaču dostaviti Izvještaj nezavisnog revizora o finansijskom poslovanju Ustanove za 2020. godinu.

Izvještaj o reviziji finansijskih izvještaja

Obavili smo reviziju priloženih finansijskih izvještaja Javne ustanove Predškolski odgoj i obrazovanje Zenica (u daljem tekstu "Ustanova"), koji se sastoje od Bilansa stanja na dan 31. decembar 2020. godine, Računa prihoda i rashoda, Izvještaja o novčanim tokovima, Izvještaja o kapitalnim izdacima i finansiranju, te bilješki uz finansijske izvještaje, uključujući i sažetak značajnih računovodstvenih politika.

Po našem mišljenju, osim efekata izraženih u odjeljku "Osnov za mišljenje sa rezervom" finansijski izvještaji prikazuju objektivno i fer, u svim materijalno značajnim stavkama, finansijski položaj Ustanove na dan 31. decembra 2020. godine, te rezultate njenog poslovanja i njene novčane tokove za godinu koja je tada završila, u skladu sa Međunarodnim standardima finansijskog izvještavanja.

Osnov za mišljene sa rezervom

Kontrola Porezne uprave

Ustanova je imala kontrolu Porezne uprave Federacije Bosne i Hercegovine. Kontrolisani period 14.12.2012.-14.12.2017. godine, koja je dana 30.01.2018. godine izdala Zapisnik o inspekcijском nadzoru broj: 13-4-02-15-10-782/17 prema kojem su utvrđene dodatne obaveze poreza i doprinosa po osnovu isplata po sudskim presudama i vansudskim sporazumima, kao i obavezu poreza na dobit za prihode koje ostvaruje po osnovu davanja imovine u zakup. Ukupan iznos dodatnih poreza i doprinosa iznosi 76.970 KM, dok zatezne kamate iznose 45.640 KM. Dana 19.02.2018. godine Porezna uprava Federacije BiH izdala je Rješenje o dodatno utvrđenim obavezama broj: 13-4-02-15-11-782/17. **Ukupan iznos dodatno utvrđenih obaveza za uplatu po rješenju iznosi 119.928 KM.** Na pomenuto rješenje Ustanova je uložila žalbu zbog netačno i nepotpuno utvrđenog činjeničnog stanja i nepravilne primjene materijalnog prava. Poreska uprava još uvijek nije odgovorila na žalbu. Iznos zateznih kamata od perioda rješenja može značajno opteretiti Ustanovu. Ustanova za navedeno nema obezbjeđen izvor finansiranja. Obaveza nije rezervisana.

Društvo za reviziju "RE-CONTROLLING" d.o.o. Zenica

Mr.sci.Elvira Pidro, dipl.oec., ovlašteni revizor

Viteškić Indira, dipl.oec., Direktor

VI ZAVRŠNA RAZMATRANJA

Zakonom o predškolskom odgoju i obrazovanju reguliše se predškolski odgoj i obrazovanje djece od šest mjeseci starosti do polaska u osnovnu školu, kao početni stepen jedinstvenog sistema odgoja i obrazovanja, koji se ostvaruje kroz programe sa ugrađenom zajedničkom jezgrom na području ZDK.

Opći cilj predškolskog odgoja i o obrazovanja

Opći cilj predškolskog odgoja i o obrazovanja u Bosni i Hercegovini, kao integralnog dijela cjelokupnog sistema odgoja i obrazovanja, je osigurati optimalne uvjete da svako dijete, do polaska u školu, razvija i ostvaruje svoje potencijale do maksimuma putem različitih vidova visokokvalitetnih, sveobuhvatnih, kulturološki prilagođenih i inkluzivnih usluga predškolskog odgoja i obrazovanja.

Specifični ciljevi predškolskog odgoja i obrazovanja

1. Povećati obuhvat djece predškolskim odgojem i obrazovanjem

Za realizaciju ovog cilja potrebno je: osiguranje i proširenje prostornih kapaciteta predškolskih ustanova i osnovnih škola; njihovo opremanje i nabavka didaktičkog materijala; te povećan broj stručnog osoblja.

2. Osigurati kvalitet predškolskog odgoja i obrazovanja

POO utemeljiti na ishodima razvoja i učenja djece, sa fokusom na dijete a ne na sadržaj, što podrazumijeva kvalitetan program i kompetentno stručno osoblje, sigurno i poticajno okruženje, holistički pristup djetetu, pluralizam metoda rada i interdisciplinarnost, kao i fleksibilnost.

3. Osigurati redovno finansiranje

POO, kao prvi nivo sistema obrazovanja, uvesti u budžete entiteta, kantona, Brčko distrikta Bosne i Hercegovine i lokalnih zajednica (resori obrazovanja, zdravstva, socijalne zaštite) u statusu stalnog budžetskog korisnika. Pri tome posebno izdvojiti namjensku stavku za finansiranje POO-a u godini pred polazak u školu, te namjensku stavku za (su)finansiranje povećanja obuhvata djece od 0 do 5 godina.

4. Ojačati inkluziju

Povećati uključenost u POO djece sa poteškoćama u razvoju, darovite djece, djece iz rizičnih obitelji, djece Roma, djece iz ruralnih sredina, djece iz obitelji sa niskim socio- ekonomskim statusom, djece bez roditeljskog staranja, djece nezaposlenih roditelja, te djece iz drugih ranjivih društvenih grupa.

5. Senzibilirati društvo za značaj predškolskog odgoja i obrazovanja

S obzirom na nedovoljno razvijenu svijest o značaju POO-a i za društvo u cjelini i za pojedinca, senzibilizira ti društvo za značaj institucionalnog POO-a, posebno donosioce odluka na svim nivoima vlasti, obitelj, javnost i medije.

Prosječan broj djece uključen u programe JU Predškolski odgoj i obrazovanje Zenica

	Godina	Prosječan broj djece
1.	2014.	320
2.	2015.	362
3.	2016.	423
4.	2017.	460
5.	2018.	486
6.	2019.	495
7.	2020.	365

Protekla godina je jedinstvena u historiji postojanja naše Ustanove

Naredbom Kriznog štaba ministarstva zdravstva Zeničko-dobojskog kantona broj: 11-33-1335-24/20 od 13.03.2020. godine, obustavljen je rad JU Predškolski odgoj i obrazovanje Zenica 16.03.2020. godine.

Kao odgovor na tekuću pandemiju COVID-19, zemlje širom svijeta poduzele su korake bez presedana nastojeći spriječiti i obuzdati širenje virusa. Neke od ovih mjera suzbijanja uključuju zatvaranje škola i vrtića. Posljedice takvih postupaka i utjecaj na porodicu i društvo sada se osjećaju i vide na vrlo stvarne načine, uključujući opterećenje zdravstvenih sistema, tekuću ekonomsku krizu i socijalna previranja.

Ovi poremećaji u svakodnevnom životu znače da mala djeca kod kuće nisu u mogućnosti biti dio obrazovnog sistema i tek se sad vide učinci i uloga vrtića u vezi njege i zadovoljavanja svih njihovih razvojnih potreba (tjelesnih, emocionalnih, socijalnih i kognitivnih). Zatvorenost vrtića postaje dodatni teret za porodicu i usklađivanje brige o djeci i radne odgovornosti, koji se u mnogim slučajevima sastoji od ekonomske nestabilnosti i socijalne izolacije, plodno je tlo za kućno okruženje koje karakteriše toksični stres. Znamo da optimalan razvoj mozga zahtijeva poticajno i obogaćujuće okruženje, odgovarajuću prehranu, mogućnosti učenja i socijalnu interakciju s pažljivim vođenjem od strane stručnih lica-odgajatelja.

Za ublažavanje negativnog utjecaja COVID-19 na malu djecu bit će potrebni strateški multisektorski pristupi i sinergija intervencija u zdravstvu, sigurnosti, zaštiti, sudjelovanju i ranom obrazovanju, ali i **veća finansijska podrška osnivača našoj ustanovi**, da bi sve nabrojano moglo biti na adekvatnom i relevantnom nivou kad su predškolska djeca u pitanju.

Odlukom Kantonalnog štaba civilne zaštite broj: 16-33-3232-83/20 od 14.05.2020. godine, počeo je rad JU Predškolski odgoj i obrazovanje Zenica od 18.05.2020. godine od kad Ustanova radi po preporukama Instituta za zdravlje i sigurnost hrane broj: 02-1631/20 od 13.05.2020. godine i po Planu rada i organizacije u uslovima proglašenja stanja nesreće uzrokovanog pojavom koronavirusa (COVID 19) broj: 01-0101-457/1-2020 od 18.05.2020. godine.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA
UPRAVNI ODBOR

Broj: 06-0602-336/2-2021
Zenica, 22.04.2021. godine

Na osnovu člana 30. stav (3) i člana 40. stav (k) i (i) Zakona o predškolskom odgoju i obrazovanju ZDK ("Službene novine ZDK", broj: 7/10 i i 8/12) i člana 48. tačka 10.i 11. Pravila JU Predškolski odgoj i obrazovanje Zenica, Upravni odbor Javne ustanove Predškolski odgoj i obrazovanje Zenica na 9. redovnoj sjednici održanoj 22.04.2021.godine donosi

ODLUKU

o usvajanju Izvještaja o radu JU Predškolski odgoj i obrazovanje Zenica za 2020. godinu

Član 1.

Usvaja se Izvještaja o radu JU Predškolski odgoj i obrazovanje Zenica za period 01.01.-31.12.2020. godine.

Član 2.

Ova Odluka je sastavni dio Izvještaja o radu JU Predškolski odgoj i obrazovanje Zenica.

Član 3.

Odluka stupa na snagu danom donošenja

Obrazloženje

Shodno prezentiranom Izvještaju o radu JU Predškolski odgoj i obrazovanje Zenica, Ustanova je za period 01.01.-31.12.2020. godine ostvarila negativno poslovanje, odnosno ostvarila je višakrashoda nad prihodima u iznosu od 74.081,00KM. Uzrok negativnog poslovanja Ustanove je posljedica dvomjesečne zabrane rada Ustanove, manjeg broja upisane djece nakon prestanka rada i instrukcija o dozvoljenom broju djece po grupama, ali i iz razloga što je veći broj korisnika usluga ostao bez posla, pa je prestala i potreba za korištenjem usluga Ustanove. Svi naprijed navedeni razlozi su posljedica širenja virusa Covid 19- pandemije.

Na osnovu izloženog odlučeno je kao u članu 1. ove Odluke.



Predsjednica Upravnog odbora

Anna Šestić

Dostavljeno:

- 1 x Osnivač
- 1 x direktor
- 1 x a/a

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE
ZENICA
UPRAVNI ODBOR
Broj: 06-0602-337/1-2021
Zenica, 22.04.2021. godine

Na osnovu člana 40. Zakona o predškolskom odgoju i obrazovanju ZDK ("Službene novine ZDK", broj: 7/10 i i 8/12) i člana 48. tačka 18. Pravila JU Predškolski odgoj i obrazovanje Zenica, Upravni odbor Javne ustanove Predškolski odgoj i obrazovanje Zenica na 9, redovnoj sjednici donosi

ODLUKU

o ocjeni rada direktora za 2020. godinu

Član 1.

Rad direktora JU Predškolski odgoj i obrazovanje Zenica ocjenjuje se ocjenom – „Naročito se ističe“.

Član 2.

Odluka stupa na snagu danom donošenja.

Obrazloženje

Upravni odbor je kontinuirano pratio rad direktora u 2020. godini, te isti ocjenjuje izuzetno uspješnim za funkcionisanje primarne djelatnosti u uslovima pandemije izazvane virusom COVID-19. Rad Ustanove je bio obustavljen na period od dva mjeseca i izdate su brojne preporuke za rad vrtića. Ustanova je korisnicima pružala usluge poštujući sve propisane mjere, obezbjeđujući uslove za zdravlje djece i zaposlenih.

Direktorica je pokazala izuzetno razvijene organizacione sposobnosti, fleksibilnost, kao i zalaganje za funkcionisanje djelatnosti u otežanim uslovima.

Shodno Izvještaju o radu JU Predškolski odgoj i obrazovanje Zenica za 2020. godinu, Ustanova je poslovala negativno sa ostvarenim viškomrashoda nad prihodima u iznosu od 74.081,00KM, a negativno poslovanje je posljedica dvomjesečne zabrane rada, nakon manjeg broja upisane djece nakon prestanka rada i instrukcija o dozvoljenom broju djece po grupama, ali i iz razloga što je veći broj korisnika usluga ostao bez posla, pa je prestala i potreba za korištenjem usluga Ustanove.

Saradnja Direktora sa Upravnim odborom je na izuzetno visokom i profesionalnom nivou.

Rješenjem nadležnog Ministarstva i Pedagoškog zavoda, broj: 10-1-38-08097-6/19, od 15.09.2020. godine, za školsku 2019/2020. godinu, rad direktora JU Predškolski odgoj i obrazovanje Zenica, ocjenjen je ocjenom – „Naročito se ističe“.

Na osnovu izloženog odlučeno je kao u članu 1. ove Odluke.



Predsjednica Upravnog odbora

Amna Šestić

Amna Šestić

Dostavljeno:

- 1 x Osnivač
- 1 x direktor
- 1 x a/a